

943.

1448 November 21

Margarethe Lasan nimmt für ihre Kinder Geld von einem verkauften Haus ein.

fol. 174r Actum^{a)} quinta feria post Elizabeth hat frauw Margaretha, Johannes Lasans seligin witte (!), bekanth, daz sy von ir czweyer unmundiger kindir weyn, Ludeweyg und Jeronimus, enphangen und eyngenomen habe von Hanszen Kagerrer an der bezalung des huszis und der czweyer kindir teil 18 ß und 8 gr, daz sy ðn bezalen sal und wil, wenne sy czu mundigen jaren komen. Dy geschr(iebene) summe geldis hat dy genante frauwe Margaretha gereth Hanszen Kagerrer czu gewerin und dy gewere mit irin erben und gutirn vorphant, ab Hans Kagerrer von den czweyn kindern, wenne sy czu mundigen tagen qwemen, angelangit addir beteidigit wurde, daz sy ðn sulchir summe geldes schadinloz halden und benemen wolle an eyntag und arge list. Actum apud proconsulem Oswaldum Kaufman et suorum consedentrum anno etc. XLVIII.

a) folgt durchgestrichen quinta

944.

1449 November 20

Schuldvergleich zwischen Nickel Kannegießer und Frau Kannegießer.

fol. 174v Nickel Kannengisser uff eyne und frauw Kanengissirin uff dy andere sythin haben beidirseit bey vorliszung ir schuld keyn eynandir gereth und globit, ir schulde, dy sy czu eynandir haben bynnen 14 tagen schriftlichen^{a)} czu machin und bey eyn rath eyn czu legin. Dy schulde on eyn rath vordir antworten sal und ir iczlichis eyn antwurt doruff auch in vierzehin tagen machin und dem rathe ubirantwurten. Dy selben ir beider schulde und antwurt der rath uffnemen und, ab sy sich doreyn fugin mogen, scheiden sal in sune addir rechte. Wes sy der rath nicht gescheiden kan, so sullen sy ir beidir gelt nemen und daz mit schulden und antworten dohin senden, daz sy mit rechte gescheiden werden. Actum quinta feria post Margarethe anno etc. XLIX.

a) am linken Rand, Einfügestelle gekennzeichnet

945.

1449 --

Nickel Nuwirt bekennt eine Schuld und verpfändet sein Haus.

fol. 174v Nickel Nuwirt hat bekanth, daz er schuldig sey Bartil Spanmulner 19 ß nüwir gr^(a) 15 heller gr^(a) vor eyne behuszunge in dem Weidach gelegin, dy er